

2/3

FR. AMBROSII

IN DIOGENIS LAERTII

opus, ad Cosmam Medicem epistola.



OLVENTI mihi quædam Græca uolumina, uenit ad manus Laërtij Diogenis de philosophis prolixum opus. Id etsi autori plus in legendo studij quam in scribendo diligentie fuisse ex ipsa lectione deprehenderem, quia tamen uaria erat historia, & plurima cognitu necessaria continere uidebatur, Latinum facere, amicis maxime id fieri orantibus. statui. Quanquam enim sacris transferendis iam pridem studiū omne tempusq; deuoueram, atq; id religionis instituto magis consentaneum, ab hoc tamen ueluti curriculo modicè deflectere, ut studiosis morem gererem, haudquaquā reprehensibile existimaui: imò hoc ipso labore meo fore, ut Christianæ pietatis & gratiæ dignitas magis patefceret, ac per id fides in deum promptior ac ardentior surgeret, ratio uerissima suadebat. Quando enim inter illos qui sapientiæ secularis fuere principes tanta de deo, rebusq; & diuinis & humanis opinionū concertatio est, ut se inuicem destruant, neq; ubi consistas reperire possis, maiore profectò alacritate animus diuinæ dignitatis amplectitur gratiam, atque ad fontem ueritatis accurrens ueteris squalorem miseratur erroris. Etsi enim apud illos sparsim probabilia quædam & ueritati consona inuenire est, mens tamen tanta opinionum uarietate fatigata libentius & gratius intra cubicula ueritatis se recipit, & diuinis libris ac literis hauriendis maiori deinceps desiderio inhiat, & ipsa tamen quæ apud nobiliores quosque philosophos, de deo, de cælo, corporibusq;